

## 九年级上册

### 现代文

沁园春 雪 毛泽东 《毛泽东诗词集》

北国风光，千里冰封，  
万里雪飘。望长城内外，  
惟余莽莽；大河上下，  
顿失滔滔。山舞银蛇，  
原驰蜡象，欲与天公试比高。  
须晴日，看红装素裹，分外妖娆？

江山如此多娇，引无数英雄竞折腰。  
惜秦皇汉武，略输文采；  
唐宗宋祖，稍逊风骚。  
一代天骄，成吉思汗，  
只识弯弓射大雕。俱往矣，  
数风流人物，还看今朝？

望江南 温庭筠 唐《全唐五代词》

梳洗罢，独倚望江楼。过尽千帆皆不是，斜晖脉脉水悠悠。肠断白蘋洲。

渔家傲 秋思 范仲淹 《唐宋名家词选》 北宋  
塞下秋来风景异，衡阳雁去无留意。四面边声连角起，千嶂里，长烟落日孤城闭。 浊酒一杯家万里，燕然未勒归无计。羌管悠悠霜满地，人不寐，将军白发征夫泪。

江城子 密州出猎 苏轼 北宋  
老夫聊发少年狂，左牵黄，右擎苍。锦帽貂裘，千骑卷平冈。为报倾城随太守，亲射虎，看孙郎。 酒酣胸胆尚开张，鬓微霜，又何妨，持节云中，何日遣冯唐？会挽雕弓如满月，西北望，射天狼。

武陵春 李清照 宋  
风住尘香花已尽，日晚倦梳头。  
物是人非事事休，欲语泪先流。  
闻说双溪春尚好，也拟泛轻舟。  
只恐双溪舴艋舟，载不动许多愁。

破阵子 为陈同甫赋壮词以寄之 辛弃疾 南宋  
醉里挑灯看剑，梦回吹角连营。八百里分麾下炙，五十弦翻塞外声。沙场秋点兵。 马作的卢飞快，弓

如霹雳弦惊。了却君王天下事，赢得生前身后名。  
可怜白发生！

观刈麦 唐 白居易

田家少闲月，五月人倍忙。夜来南风起，小麦覆陇黄。

妇姑荷箬食，童稚携壶浆。相随饷田去，丁壮在南冈。

足蒸暑土气，背灼炎天光。力尽不知热，但惜夏日长。

复有贫妇人，抱子在背傍。右手秉遗穗，左臂悬敝筐。

听其相顾言，闻者为悲伤。田家输税尽，拾此充饥肠。

今我何功德，曾不事农桑。吏禄三百石，岁晏有余粮。

念此私自愧，尽日不能忘。

月夜 刘方平 唐

更深月色半人家，北斗阑干南斗斜。

今夜偏知春气暖，虫声新透绿窗纱

商山早行 温庭筠 唐

晨起动征铎，客行悲故乡。  
鸡声茅店月，人迹板桥霜。  
槲叶落山路，枳花照驿墙。  
因思杜陵梦，凫雁满回塘

卜算子 咏梅 陆游 南宋

驿外断桥边，寂寞开无主。已是黄昏独自愁，更著风和雨。  
无意苦争春，一任群芳妒。零落成泥碾作尘，只有香如故。

破阵子 晏殊 北宋

燕子来时新社，梨花落后清明。  
池上碧苔三四点，叶底黄鹂一两声，日长飞絮轻。  
巧笑东邻女伴，采桑径里逢迎。  
疑怪昨宵春梦好，元是今朝斗草赢，笑从双脸生。

浣溪沙 苏轼 北宋

簌簌衣巾落枣花，村南村北响缱车。牛衣古柳卖黄  
瓜。  
酒困路长惟欲睡，日高人渴漫思茶，敲门试问野人

家。

醉花阴 李清照 宋

薄雾浓云愁永昼，瑞脑消金兽。佳节又重阳，玉枕纱厨，半夜凉初透。

东篱把酒黄昏后，有暗香盈袖。莫道不消魂，帘卷西风，人比黄花瘦。

南乡子 登京口北固亭有怀 辛弃疾 南宋

何处望神州？满眼风光北固楼。千古兴亡多少事？悠悠，不尽长江滚滚流！

年少万兜鍪，坐断东南战未休。天下英雄谁敌手？曹刘。生子当如孙仲谋！

山坡羊 潼关怀古 张养浩 元

峰峦如聚，波涛如怒，山河表里潼关路。

望西都，意踌躇。伤心秦汉经行处，宫阙万间都做了土。兴，百姓苦；亡，百姓苦。

山坡羊 骊山怀古 张养浩 元

骊山四顾，阿房一炬，当时奢侈今何处？只见草萧疏，水萦纡。至今遗恨迷烟树，列国周齐秦汉楚，赢，都变做了土；输，都变做了土。

朝天子 咏喇叭 王磐 元

喇叭，唢呐，曲儿小，腔儿大。

官船来往乱如麻，全仗你抬声价。

军听了军愁，民听了民怕。哪里去辨甚么真共假？

眼见的吹翻了这家，吹伤了那家，只吹的水尽鹅飞  
罢！